

永和縣志卷之七

城池

畫郊圻固封守城池所由坊也永邑僻處郡西接壤黃河邈縣城肇自西漢置年無攷至唐貞觀十二年築之土垣荒壘沿山繕治高下不一俗名五圪塔城前人之經營勞矣後之歷任者隨時修葺一一記載余承乏三載相度城之形勢於其低覆者創閣建亭以補其缺非徒恃壯觀登覽眺亦未雨綢繆之意耳作城池志

永和縣志

卷之七 城池

縣城

唐貞觀十二年建

元至元間重築

明洪武初主簿徐大榮修其城不備惟有繚牆而已  
正統十四年知縣胡正拓修週三里三十四步高二丈許南北西三門南曰安靜有樓北曰拱極有樓西曰餞日無樓其三門芝水環繞東舊無門嘉靖四十五年知縣張守禮始開跨山無池

國朝康熙十一年知縣王爾楫見城西南舊有水口



舖捐令捕官章瓚陰陽官薛錫澤督工修建石洞立鐵柱放水以固內外俾一邑暴雨之水皆由此出庶免冲塌之害人咸賴以安堵四十八年知縣王士儀見城垣塌毀過半西城更甚殘缺將傾捐修補築復於西城創建閣曰迎芝於西北城角創建亭曰望農以補城西之低覆者

迎芝閣

在西城上

望農亭

在西北城角上

催鳴亭

在東南城角上<sup>以</sup>三處知縣王士儀創建

永和縣志

卷之七

城池

二

城原堡

縣東高原上

庄則堡

縣治西七十里

梁家堡

縣治西二十里

劉家庄堡

縣治北三十里

護國堡

縣東五十里

暑益堡

縣東五十里

大寨嶺

縣北四十里

岔口寨

縣北三十里

土樂寨

縣北四十里



榆林寨 縣東七十里

雙山寨 縣東二十里天生雙壁如城中通一道峯

樓山寨 縣南六十里有石城

捕狐寨 縣東南七十里